



泰山志

盛典  
圖考

二  
8-4

ル 5  
3548  
2



門 6  
號 3548  
卷 2

泰山志卷第三

朝議大夫山東泰安府知府臣休寧金棨恭輯

盛典紀

綸音

康熙二十三年九月十九日

詔曰帝王誕膺景命統御萬邦道重觀民政先求瘼是以虞  
廷肆覲肇舉省方周室懷柔式歌時邁詩書具在典制不  
昭朕仰荷

天庥纘承

祖烈撫茲兆庶期底時雍夙夜孜孜懋求至理以富以教靡敢  
怠遑猶慮蔀屋艱難罔由上達故於直隸郡縣周覽巡幸

勤施補助更念山左等處土宜俗尚不加循省曷克真知  
矧歷逢甲子世際昇平聿圖泰運之恒新在措芸生於豫  
大乘時命駕咨彼民依但樂利祇慰夫一方而德澤未敷  
於九有朕心歎焉用是特昭公旨以宏仁庶奏誠和之盛  
治

一江南浙江江西湖廣省分自用兵以來供應繁苦宜  
加恩卹康熙二十四年所運糧著免三分之一一  
自康熙十三年起至二十二  
拖欠漕項錢糧著自康  
熙二十三年起每年帶徵一年  
以免小民一時並徵之  
累東巡經過地方宜俱加恩卹  
著將康熙二十四年應  
徵丁銀盡行蠲免  
一泰山經  
過致祭其四嶽四瀆等

祀應遣官致祭察例舉行  
一凡官吏兵民人等有犯  
除十惡等罪不赦外  
凡常赦所不原者不在赦內  
其餘自康熙二十  
三年九月二十四日昧爽以前  
一凡罪軍罪以下已發覺  
未發覺已結正未結正咸赦除之  
有以赦前事告訐者  
以其罪罪之  
一直接各省修理文廟銀兩照舊存留  
以供整葺  
一直接各省解費腳價銀兩仍復存留照  
額支給  
一祭祀行香習儀及祈晴祈雨鄉飲酒禮等  
項銀兩仍復存留以供支用  
一嶽鎮四瀆廟宇傾頽  
者該地方官設法修葺以昭誠敬  
一內外交武官員  
現應議處者俱著寬免  
一內外交武大小各官除各  
以現在品級已得封贈外  
凡授職陞級及改任者著照

新銜封贈 一各處孤貧口糧已復存留經管地方務須從實給散以贍窮獨

於戲時臻熙皞彌隆寬卹之恩尸樂清寧不篤綿長之慶布告天下咸使聞知

先是翰林院編修曹禾題請封禪吏科掌印給事中王承祖題請巡狩並經部議因有此詔所有曹禾王承祖疏並部議俱附卷末

康熙二十三年十月十一日大學士明珠王熙奉

諭旨朕夙夜孜孜勤求至理深宮寧處軫念閭閻諏吉時巡

省觀民隱經行所至登於泰山至聖遺蹟緬然如覩一覽衆山登眺九有洵足攬天下之勝察造化之奇援筆濡毫書成普照乾坤四字可於孔子小天下處建亭懸額復書雲峯二字可於極頂處磨崖勒石其本年香稅免解該部

用以鳩工庀材虔修泰山頂上各廟應行事宜爾會同該撫確議具奏

康熙二十八年正月

上諭朕巡歷所至再經岱麓重瞻祠宇詢其廟祝知香火荒涼日用難給岱頂諸廟亦復如之念泰山為五嶽之長載在祀典有功社稷不宜使之漸就寥落合將每歲香稅錢糧內量給數百金使上下嶽廟與元君諸祠守祀者得有資賴曉夜盡心兼可時加修葺以壯往來觀瞻示朕崇祀之意爾諸臣即與山東巡撫藩臬會議以聞欽此

康熙五十六年六月初六日泰山大水盤路傾圮

命江南學臣林之濬江西學臣魚鸞翔修理

雍正七年

上諭山東泰安州神廟奉祀東嶽泰山之神歷代相傳靈顯昭著佑庇萬民俾國家享昇平之福者明神之功德其來久矣遠近人民感荷默佑之恩焚香頂禮罔不虔肅其廟宇重修於康熙十二年距今五十餘年矣茲據署巡撫費金吾奏稱廟宇盤道有傾圯頽壞之處應加繕葺山路亦當修整着發內帑銀兩命內務府郎中丁皂保赫達塞前往督工敬謹修理務使廟貌輝煌工程堅固速行告竣以副朕爲民報享之至意特諭欽此

雍正九年十月闕里 聖廟告成

詔遣皇五子弘晝淳郡王弘曠致祭因過泰山行禮

雍正十三年十二月

上諭自古山川有能出雲雨者天子秩而祀之而五嶽之禮尤重非有朝命不得致祠然王立大社而州黨又各有社崇之祭則春秋禱賽庶民各就其所敬信而竭誠焉亦禮俗之可以情假者也泰山舊有碧霞靈應宮遠近瞻禮者軌蹟相望必先輸香稅於泰安州然後許其登山稅約歲萬金自前明以來相沿未革朕思東方物之所生天地盛德之氣之所發也故傳稱觸石而起膚寸而合不崇朝而徧雨乎天下者惟泰山則春祈秋報黎庶輻輳在國家亦宜順達其情若使力艱於輸稅而不得登山非所以從民之欲也其富民樂施多寡任意准守祠人存貯以修葺舍

宇平治道塗有司不得干預諭到卽鐫石樹祠用垂永久  
特諭欽此

乾隆五年六月二十四日嶽頂碧霞祠災山東巡撫朱  
定元奏

聞

詔發國帑重修俾復舊制遣內務府員外郎江都監督七年

五月告竣

乾隆十二年六月

上諭朕幼頌簡編心儀

先聖一言一動無不奉

聖訓爲法程御極以來覺世牖民式型至道願學之切如見

羹牆碎雍鐘鼓躬親殷薦而未登闕里之堂觀車服禮器  
心甚歉焉仰惟

皇祖聖祖仁皇帝巡幸東魯親奠孔林盛典傳於奕禩

皇考世宗憲皇帝崇聖加封重新廟貌嘗遣朕弟和親王恭代

展祀未以命朕意者其或有待歟朕寅紹丕基撫茲熙洽

思以來年春孟月東巡狩因溯洙泗陟杏壇瞻仰宮牆申

景行之夙志復奉

聖母皇太后懿旨泰山靈巖坤德資生近在魯邦宜崇報饗朕

不敢違爰遵

慈訓親奉

鑾輿秩於岱宗用蒼鴻貺旋蹕青齊觀風布澤以昭崇聖法

祖教孝省方鉅典有所應行典禮大學士會同該部稽考舊章  
詳悉具儀以聞其應預備之各衙門查察事宜先期請旨  
至行在一切所需悉出公帑毋得指稱供頓儲侍絲毫貽  
累閭閻羽林衛士內府人役等各該管大臣嚴行稽查約  
束竝令扈蹕文武臣僚嚴飭儉從毋得侵踐田疇致妨宿  
麥如有騷擾地方指名需索者立即參奏從重治罪通行  
曉諭知之欽此

乾隆十二年十一月

上諭朕尊崇

先聖仰止宮牆已降旨於來歲孟春躬謁孔林嗣因東省秋  
潦成災雖經賑卹恐一時民氣未復若改俟秋間前往未  
知於民情實在若何在該地方業經動帑預備遲至秋間  
不免又多一番勞費踴躍望幸自屬輿情但巡幸大典所  
期於閭閻實有裨益是以特召巡撫阿里衮來京面加諮  
詢或春或秋何者為便據該撫奏稱東省被災州縣俱已  
撫綏得所其經行道路營盤俱經預備若春月前往春麥  
雖不能補種而秋田即可及時耕作以待秋成若遲至秋  
間則既誤麥收并妨秋稼卽在地秋禾亦須早獲轉於民  
間歲計未便等語看此情節則改至秋間仍不如乘春前  
往為宜但正月尚寒著定於二月初四日恭奉

皇太后鑾輿起程欽此

乾隆二十二年二月

泰山志卷三  
上諭朕廻鑾渡黃後由順河集至徐州閱視河工朕卽由徐州至曲阜展謁孔林途經泰安登岱拈香本日仍回大營駐蹕可傳諭鶴年預行備辦其登山路徑但須畧爲掃除足供行走卽有窄狹之處或乘馬或用山步輿卽緩步徐行亦何不可者且

皇太后鑾輿並不登山切不可搭架天橋致多竭蹶

皇太后鑾輿仍由順河集舊路先至靈巖駐蹕可一并傳諭知之欽此

乾隆三十三年四月額駙福隆安奉

旨泰山進香回奏山頂各廟傾圮頽落因

命總管內務府大臣劉浩會同撫臣勘估發帑興修

乾隆三十五年四月

上諭前以富明安面奏山左臣民情殷望幸且泰安岱廟及

碧霞祠宇俱重經修理落成明歲正屆

聖母八旬聖壽

慈意亦欲親詣拈香因允其所請竝諭令富明安一切務遵儉約斷不可稍事華飾糜費諒該撫自當體會朕意善爲經理惟入山東境內前往泰山曲阜陸程尚有數日前經富明安奏明添設行宮數處以供頓宿因念

聖母年高五屋較瓊廬更爲安適且可省運帶行營城分之繁姑允所請然所經不過一宿憩畱但期牆宇粗完掃除潔淨足矣斷不必點綴水石佈置亭臺徒致耗費物力再泰



山徑路陡峻縈紆將來

聖母臨幸時但詣岱麓神祠瞻禮竝不遠躋崇嶽毋庸于山頂  
另建行宮至朕登岱經由道路只須就現成山徑畧爲除  
治足資策騎總不得做照從前搭蓋天橋重勞工作著傳  
諭該撫務須遵旨樽節妥辦不得稍涉踵事增華以副朕  
意欽此

乾隆三十六年二月十五日內閣奉

上諭朕俯順輿情祇奉

皇太后安輿恭詣泰岱祝

嘏延禧竝登闕里之堂躬行釋奠輦路所經推恩優渥而泰  
安曲阜爲駐蹕之地尤宜廣敷惠澤用溥隆施著將該二  
縣乾隆辛卯年應徵地丁錢糧全行蠲免該部卽遵諭行  
欽此

乾隆四十一年三月初六日內閣奉

上諭朕因兩金川全境蕩平祇奉

皇太后安輿恭詣泰岱祝

嘏延禧竝登闕里之堂告功釋奠輦路所經加恩優渥而泰  
安曲阜爲駐蹕之地尤宜廣敷恩澤用溥隆施著將該二  
縣乾隆丙申年應徵地丁錢糧全行蠲免該部卽遵諭行  
欽此

儀注

康熙二十三年

聖祖仁皇帝躬祀東嶽儀凡經過地方各有加

恩自親王以下宗室覺羅內大臣侍衛內務府武備院上駟

院鑾儀衛各官及各旗護軍統領前鋒統領等官至各

衙門扈從官及各執事人員俱預行派出節次隨行

駕發京師日鹵簿大駕陳設如常儀隨從不隨從王以下文

武各官各跪送隨行如常儀所過鴻臚寺官先期傳知

百里以內地方官率本地鄉紳士民迎於十里之外本

地鎮守滿漢官軍整隊伍迎於十里之外分文武東西

候

駕至跪迎送如常儀十月壬寅至於岱宗前期太常寺用白

紙糊版黃紙鑲邊墨書祝版不書

御名太常寺官具補服捧送廟中安設祝案上其神位前陳

設禮神制帛一青色圓降真炷香一炷黃速香一觔白磁

爵三牛一羊一豕一登一釧二簠二簋二籩十豆十酒

一尊燭二對燈十盞陳設畢禮部太常寺堂官奏請

皇帝具禮服陞輦儀仗全設扈從王以下內大臣侍衛文武

官三品以上及地方文官知府以上武官副將以上俱

朝服陪祀其餘文武各官俱於行宮前兩旁朝服跪送

皇帝入廟至二門降輦贊引官對引官恭導

皇帝入殿中門至拜位前立典儀唱執事官各司其事贊引

官奏就位

皇帝就拜位立典儀唱迎神贊引官恭導

皇帝詣香案前立司香官捧香盒跪進於

皇帝右贊引官奏上香

皇帝舉炷香上爐內又三上辦香畢贊引官奏旋位

皇帝旋位立贊引官奏跪叩興

皇帝行二跪六叩頭禮陪祀王以下各官俱隨行禮典儀

唱奠帛行初獻禮捧帛官至神位前奠帛三叩頭退次

捧爵官至神位前立獻爵畢次讀祝官至祝案前一跪

三叩頭捧祝版跪案旁祇候贊引官奏跪

皇帝跪王以下各官俱跪贊引官贊讀祝讀祝官讀祝畢捧

祝文至神位前跪安帛匣內三叩頭退贊引官奏叩興

皇帝行三叩頭禮興王以下各官俱隨行禮畢典儀唱行亞

獻禮捧爵官獻爵於左如初獻儀典儀唱行終獻禮捧

爵官獻爵於右如亞獻儀典儀唱送神贊引官奏跪叩

興

皇帝行二跪六叩頭禮王以下各官俱隨行禮典儀唱捧

祝帛恭詣燎位捧祝帛官至神位前跪捧祝帛三叩頭

司香官跪捧炷香不叩依次捧送燎位

皇帝轉立東旁候祝帛香過還位立祝帛焚半贊引官奏禮

畢

皇帝跪轎還行宮不陪祀文武各官俱於行宮前排班跪迎

候

駕過各退

乾隆十三年二月

太上皇帝躬祀岱廟儀先期太常寺官一員赴行宮奏

皇上御龍袍補服乘輿出行宮入廟大門至配天門降輿贊引官對引官恭導

皇上入配天門至黃幄次內少憩

皇上出幄次盥手畢贊引官對引官恭導

皇上進仁安門由殿中門入詣拜褥前立典儀官唱樂舞生就位執事官各司其事贊引官奏就位

皇上陞拜褥上立典儀官唱迎神司香官捧香盒至香案右旁立唱樂官唱迎神樂奏祈豐之章樂作贊引官恭導皇上詣香案前立司香官跪贊引官奏上香

皇上立舉炷香安香靠內次三上辦香畢贊引官奏旋位恭導

皇上旋位立贊引官贊跪叩興

皇上行二跪六叩禮樂止典儀官唱奠帛爵行初獻禮獻帛爵官捧帛爵就神位前立唱樂官唱初獻樂奏華豐之章樂作獻帛官跪獻帛於案上正中三叩頭退獻爵官立獻於爵墊正中退讀祝官就祝案前一跪三叩頭捧祝文至案前先跪樂止贊引官奏跪

皇上跪贊讀祝讀祝官讀祝畢捧祝版至神位前跪安帛匣內三叩頭退樂作贊引官奏叩興

皇上行三叩禮典樂止典儀官唱行亞獻禮獻爵官捧爵就

神位左旁立唱樂官唱亞獻樂奏典豐之章樂作獻爵  
官立獻爵於爵墊左退樂止典儀官唱行終獻禮獻爵  
官捧爵就神位右旁立唱樂官唱終獻樂奏儀豐之章  
樂作獻爵官立獻爵於爵墊右退樂止典儀官唱徹饌  
唱樂官唱徹饌樂奏和豐之章樂作畢典儀官唱送神  
唱樂官唱送神樂奏錫豐之章樂作贊引官奏跪叩興  
皇上行二跪六叩禮興樂止典儀官唱祝帛饌恭送燎位捧  
祝香帛饌官至神位前跪捧香饌官不叩捧祝帛官三  
叩頭各捧起依次送往燎爐時贊引官恭導  
皇上轉立東旁鋪拜褥官起徹拜褥俟祝帛饌香過畢鋪拜  
褥官仍鋪拜褥贊引官恭導

皇上還位立樂作數帛官數帛贊引官奏禮畢同對引官恭  
導

皇上出乘輿還行宮

順治八年題准每年恭遇

萬壽聖節遣官致祭東嶽儀 一前期禮部題請遣太常寺  
堂官一員行禮今由太常寺 一祝版白紙墨書黃紙  
鑲邊前期太常寺官捧送廟內安設如常儀 一陳設  
禮神制帛一色青白磁爵三牛一羊一豕一菓品五核桃  
圓眼棗栗酒一尊 一祭日陳設畢教坊司作樂贊引  
各一盤官引承祭官至盥洗所盥洗畢引至殿內行禮處立典  
儀唱執事官各司其事贊引官贊就位承祭官就位立

典儀唱迎神司香官捧香盒跪香爐左贊引官引承祭  
官就爐前立贊上香承祭官上炷香爐內又三上塊香  
畢贊引官贊復位承祭官復位立贊引官贊跪叩與承  
祭官行三跪九叩頭禮典儀唱奠帛行初獻禮捧帛  
官跪獻畢三叩頭退執爵官立獻爵於案上正中退讀  
祝官至祝案前一跪三叩頭捧起祝文立贊引官贊跪  
承祭官及讀祝官俱跪贊讀祝讀祝官讀畢捧祝文跪  
安案上捧帛官捧帛匣上三叩頭退贊引官贊叩與承  
祭官行三叩頭禮典儀唱行亞獻禮執爵官獻爵如  
初獻儀獻於案左退典儀唱行終獻禮執爵官獻爵如  
亞獻儀獻於案右退典儀唱送神贊引官贊跪叩與承

祭官行三跪九叩頭禮典儀唱捧祝帛官恭詣燎位  
捧祝帛官至案前行一跪三叩頭禮捧起祝帛司香官  
跪捧不叩依次送至燎爐承祭官轉立西旁候祝帛過  
仍復拜位立贊引官贊詣望燎位承祭官至燎所祝帛  
焚半贊引官贊禮畢退 祝文 維年歲次月日

皇帝遣官致祭於東嶽泰山之神曰茲朕誕辰惟神永遠默  
佑謹以牲醴庶品之儀致祭尚饗

按國多有大典禮  
差官致祭俱用此儀

告文

順治八年四月初七日

皇帝遣都察院右都御史劉昌致祭於東嶽泰山之神曰惟  
神天門挺秀日觀昭靈吐納風雲育成品物朕誕膺天命

祇荷神庥特遣專官用申殷薦惟神鑒焉

順治十八年八月初一日

皇帝遣翰林院侍讀學士左敬祖致祭於東嶽泰山之神曰  
惟神天門挺秀日觀昭靈吐納風雲育成品物朕誕膺天  
命祇荷神庥特遣專官用申殷薦惟神鑒焉

康熙六年八月十七日

皇帝遣內秘書院學士劉芳躅致祭於東嶽泰山之神曰惟  
神天門挺秀日觀昭靈德沛青陽育成品物朕躬親政務  
祇荷神庥特遣專官用申殷薦惟神鑒焉

康熙十五年二月初七日

皇帝遣宗人府府丞馬汝驥致祭於東嶽泰山之神曰惟神  
天門挺秀日觀昭靈德沛青陽育成品物朕祇荷神佑懋  
建元儲特遣專官用申殷薦惟神鑒焉

康熙二十一年三月初四日

皇帝遣宗人府府丞李廷松致祭於東嶽泰山之神曰惟神  
天門挺秀日觀昭靈德沛青陽育成品物朕祇承神佑疆  
宇蕩平特遣專官用申殷薦惟神鑒焉

康熙二十三年十月

皇帝躬祀東嶽泰山之神曰朕惟五嶽視三公而泰岱爲之  
長古帝王巡行時邁所過名山大川必按圖職方敬修祀  
事昭垂典禮自昔爲隆是以虞史著望秩之文周詩有懷  
柔之頌朕荷

天眷命罔敢寧居省俗觀風勤求民隱爰以良月至於岱宗  
惟神屹峙東方有成庶類天齊巨鎮功開萬世之先日觀  
崇標尊爲百靈之府吉蠲用享虔事惟誠宣氣布和徧神  
庥而沛澤始元啟泰劫景運以徵祥祇薦馨香神其歆鑒  
康熙二十七年十二月十七日

皇帝遣內閣學士兼禮部侍郎李振裕致祭於東嶽泰山之  
神曰惟神靈昭青帝秀啟天孫庶品資生羣方仰盛朕續  
承

祖宗丕基虔恭明祀茲以

皇祖妣孝莊仁宣誠憲恭懿翊天啟聖文皇后神主升祔  
太廟禮成特遣專官用申秩祭惟神鑒焉

康熙三十五年正月二十七日

皇帝遣內閣學士兼禮部侍郎張榕端致祭於東嶽泰山之  
神曰惟神岱嶽稱宗青陽奠位誕敷靈澤發育羣生朕勤  
郵民依永期殷阜邇年以來郡縣水旱間告年穀歉登早  
夜孜孜深切軫念用是專官秩祀爲民祈福冀雨暘之時  
若庶稼穡之屢豐惟神鑒焉

康熙三十六年八月初三日

皇帝遣日講官起居注侍讀學士傅仲致祭於東嶽泰山之  
神曰惟神聳峙東邦品物資始靈昭德懋允合稱宗朕以  
勦除狡寇三履遐荒期掃邊塵又安中外今者祇承神佑  
塞北永清用告成功專官秩祀惟神鑒焉



康熙四十二年

皇帝南巡至泰安州登岱遣內閣侍讀趙世芳致祭於東嶽泰山之神曰惟神名著岱宗功齊青帝廣敷膏澤發育羣生朕祇承休命統馭寰區夙夜勤勞殫思上理歷茲四十餘載今者適屆五旬海宇昇平民生樂業見輿情之愛戴沛下土之恩膏特遣專官虔申秩祀尚憑靈貺益錫蕃禧佑我國家共登仁壽神其鑒焉

康熙五十二年五月二十五日

皇帝遣吏部侍郎孫柱致祭於東嶽泰山之神曰惟神名著岱宗位尊喬嶽發生庶類膏澤東維朕續受鴻圖撫臨區宇殫思上理夙夜勤求惟日孜孜不遑暇逸茲御極五十餘年適當六旬初屆所幸四方寧謐百姓乂和稼穡歲登風雨時若維庶徵之協應爰羣祀之備虔特遣專官式循舊典冀益贊雍熙之運尚永貽仁壽之庥俯鑒精誠用垂歆格

康熙五十八年二月

皇帝遣內閣侍讀學士兼參領朱汝錫致祭於東嶽泰山之神曰惟神秩尊羣嶽位峙東維百代增高崇朝徧澤朕續承

祖宗丕基虔恭明祀茲以

皇妣孝惠仁憲端懿純德順天翼聖章皇后神主升祔太廟禮成特遣專官用申秩祭惟神鑒焉

雍正元年正月二十四日

皇帝遣宗人府府丞吳梁致祭於東嶽泰山之神曰惟神名著岱宗位尊喬嶽發生庶類膏澤東維朕纘受丕基新承景命竊念

皇考膺圖以來百靈効順四海從風坐享昇平六十餘載茲當嗣位之始宜隆祀享之儀特遣專官虔申昭告惟冀時和歲稔物阜民安淳風徧洽乎寰區厚德長敷於率土尚其歆格鑒此精誠

雍正十三年十二月初五日

皇帝遣翰林院侍講學士伊爾敦致祭於東嶽泰山之神曰惟神秀峙天門明昭日觀位尊五嶽澤沛羣生朕纘承大

統仰紹前徽伏念

皇考臨御以來敬禮明神肅將禋祀靈祇孚應昭受鴻庥清晏奠安茂登上理茲當嗣位之始宜隆望秩之儀特遣專官虔申告祭惟冀雨暘時若年穀順成萬方蒙樂育之庥兆姓荷帡幪之德尚其歆格鑒此精誠

乾隆十四年六月初三日

皇帝遣內閣侍讀學士明德致祭於東嶽泰山之神曰惟神上應奎婁下臨渤海震方表極萬彙資生茲以邊徼攸寧中宮攝位

慈寧晉號慶洽神人敬遣專官用申殷薦神其鑒焉

乾隆十五年十月初一日

皇帝遣三品以上大臣歸宣光致祭於東嶽泰山之神曰惟神上應奎婁下臨渤海震方表極萬彙資生茲以正位中官鴻儀懋舉

慈寧晉號慶洽神人敬遣專官用申殷薦神其鑒焉

乾隆十六年正月二十七日

皇帝遣太僕寺卿伊拉齊致祭於東嶽泰山之神曰惟神作鎮東方肇生庶類視三公而比秩長羣嶽以稱宗日觀天門是惟神府金牀玉几實曰仙閭朕時邁江南道經齊魯祠前漢柏想翠蓋之依然巖畔秦松仰貞枝而在目宜行望祭用遣專官潔籩豆於司存極齊明於如在神其昭格鑒此明禋四月十六日

聖駕南巡廻鑾抵泰安謁岱廟

乾隆十七年正月十一日

皇帝遣翰林院侍讀學士洙蘭泰致祭於東嶽泰山之神曰惟神上應奎婁下臨渤海震方表極萬彙資生茲以

慈寧萬壽懋舉鴻儀敬晉

徽稱神人慶洽爰申殷薦特遣專官神其鑒焉

乾隆二十年七月二十八日

皇帝遣內閣侍讀學士龔學海致祭於東嶽泰山之神曰惟神挺秀天門尊臨渤海肇生品物德沛青陽茲以平定準噶爾大功告成加上

皇太后徽號神人洽慶中外蒙庥敬遣專官用申秩祭惟神鑒

焉

乾隆二十二年正月二十五日

皇帝遣禮部左侍郎介福致祭於東嶽泰山之神曰惟神造化鍾靈奎婁應象覽衆山而莫竝氣蓋坤維冠五嶽以稱尊位符震始風雲吐納崇朝彰布護之功神秀氤氲庶類荷育成之德朕省方南土駐蹕東邦挹瑞靄於天門曾登峻極望祥光於日觀式賴洪庥用遣專官載申致祭神其來格尚克歆承四月十一日

聖駕南巡廻鑾抵泰安謁岱廟即日登山祀碧霞祠

乾隆二十四年十二月十五日

皇帝遣吏部右侍郎五福致祭於東嶽泰山之神曰惟神撰協青陽尊臨東夏代成兩大肇品物以資生宗長四方普行施而無外赫赫之靈威共仰巖巖之氣象同瞻茲以道回蕩平大功底定望天門之崔峯靈佑遙承表日觀之崇隆鴻庥永賴敬舉告功之典用申秩祀之文式薦馨香伏惟昭鑒

乾隆二十七年正月十二日

皇帝遣吏部右侍郎恩丕致祭於東嶽泰山之神曰惟神瑞協青陽位崇東上山勢旁臨乎鄒嶧松濤近接乎徂徠迎愛景以東升扶桑日出不崇朝而澤徧岱石雲生茲以

慈闈萬壽懋舉鴻儀敬晉

徽稱神人慶洽仰靈祇於泰嶽虔奉明禋奉魯望於名山聿修

懿典尚祈鑒格歆此苾芬

乾隆二十七年正月二十五日

皇帝遣協辦大學士武毅謀勇公兆惠致祭於東嶽岱宗之神曰惟神位鎮東方望隆羣嶽根盤地軸環九點之青山氣接天門捧一輪之赤馭煥星文於日觀玉檢瑤函披翠色於仙閣秦松漢柏是非特出雲降雨常仰神功抑亦惟毓秀鍾靈首稱巨鎮朕省方吳會取道青齊念前此之時巡又六年而一過稽古來之望秩剛二月之將臨特遣專官用申虔祀神其來格式此居歆四月十九日

聖駕南巡廻鑾抵泰安謁岱廟明日登山祀碧霞祠

乾隆三十年正月三十日

皇帝遣御前侍衛工部右侍郎五福致祭於東嶽岱宗之神曰惟神位崇五嶽秩視三公星應奎婁表東方以作鎮雄連齊魯司太昊而効靈氣接九霄照曜麗方升之日潤滋千里網緼流方寸之雲仰神府之崔嵬秀鍾造化紀仙閣之祕奧道協陰陽朕時邁南邦道經東土省方屢舉卅年承奠麗之庥秩祀爰頒二月練陽春之吉敬陳殷薦用遣專官神其降臨感此芬苾

乾隆三十六年二月二十四日

皇帝遣經筵講官禮部侍郎德福致祭於東嶽泰山之神曰惟神鍾靈震位立極坤維冠五嶽以稱尊勢雄青兗齊兩儀而永固象應奎婁元氣網緼庶類荷發生之德雨膏溥

渥崇朝彰敷潤之功朕祇奉

安輿言登喬嶽挹天門之瑞靄方申祝

嘏之誠瞻靈宇之崇闕正屆落成之候顯位視三公之秩義  
在報功時巡遵二月之文禮先方望仰高標之峻極知靈  
貺之孔時特遣專官用陳明祀神其昭格鑒此馨香二十  
五日

聖駕親詣岱廟拈香二十六日登山祀碧霞祠

乾隆三十七年正月二十五日

皇帝遣吏部右侍郎曹秀先致祭於東嶽泰山之神曰惟神  
靈鍾青兗宿應奎婁榮光上燭乎天門瑞氣遙連夫蓬島  
體陽春而用事茂成始物之能隆柴望以報功蔚為羣嶽

茲以

慈闈萬壽懋舉鴻儀敬晉

稱神人慶洽仰靈祇於泰嶽日觀揚輝秩魯望於名山東皇  
齊福神其來格享此苾芬

乾隆四十一年三月十五日

皇帝親率碩莊親王永瑞致祭於東嶽泰山之神曰惟神公

雲之候茂黍膏滋朕歲事金川救寧玉壘稽古而修在泮  
之典邁途而經維嶽之區碧巘霞飛瞻綿亘孰云百里

金萱景綯祝蕃釐惟曰萬年敕遣專官虔將明祀神其歆格鑒  
此苾芬十四日

聖駕東巡親詣岱廟拈香十五日登岱祀碧霞祠

乾隆四十一年七月十一日

皇帝遣內閣學士汪廷璣致祭於東嶽泰山之神曰惟神奠位東藩表雄左海瞻巖作鎮首隆五嶽之封觸石爲霖廣沛崇朝之澤宗長之靈威無外巍峩之氣象尊茲以兩金川小醜削平大功底定振郊臺之朱鷺遠荷寵庥分躔野於蒼龍益滋

鴻貺謁岱既申夫典禮告成再展夫明禋薦此馨香伏惟昭鑒

乾隆四十五年正月二十六日

皇帝遣禮部右侍郎達椿致祭於東嶽泰山之神曰惟神

嶽形尊神公秩峻襟環瀛渤遙分長白之支宿應奎婁永作大東之鎮合油雲於片石千里甘滋升旭日於扶桑三霄景麗朕不膺嘉貺式迓蕃釐溯祇事於巡方儀循四度迨告功而展敬瞬閱五年茲時邁乎南邦用虔修夫望祀專官是遣靈爽來歆

聖駕南巡過泰安二十六日駐蹕白鶴泉

行宮二十七日

皇帝遣參亭謁岱廟三月回鑾二十九日

皇帝遣內閣學士達敏致祭於東嶽泰山之神曰惟神靈鍾木德象協台躔燭榮光而瑞啟登封沛渥澤而功神觸石著宗盟於羣祀高邁嵩衡瞻傑觀於層霄青連齊魯茲以

朕七旬展慶九有臚歡懋舉崇儀特申昭告攷省方之典禮既修望秩於名山仰表海之聲靈載迓蕃釐於潔薦神其來格歆此苾芬是年四月

皇帝遣都統德保致祭於泰山之神是月十八日爲碧霞元君誕辰自是每年

皇帝遣侍衛大臣一員於四月十七日齋宿岱頂十八日黎明詣碧霞宮拈香歲爲常例

乾隆四十六年四月  
皇帝遣都統德保致祭於泰山之神

乾隆四十七年四月  
皇帝遣御前侍衛都統德保致祭於泰山之神

乾隆四十八年四月  
皇帝遣御前侍衛都統德保致祭於泰山之神

乾隆四十九年四月  
皇帝遣御前侍衛兼副都統阿彌達致祭於泰山之神

乾隆五十年四月  
皇帝遣御前侍衛兼副都統阿彌達致祭於泰山之神

乾隆五十一年四月  
皇帝遣御前侍衛副都統阿彌達致祭於泰山之神

乾隆五十二年四月  
皇帝遣工部侍郎兼滿洲副都統阿彌達致祭於泰山之神

乾隆五十三年四月



皇帝遣工部侍郎滿洲副都統阿彌達致祭於泰山之神  
乾隆五十四年四月

皇帝遣工部侍郎滿洲副都統阿彌達致祭於泰山之神  
乾隆五十五年三月

皇帝遣內閣學士圖敏致告於東嶽泰山之神曰惟神功隆  
作鎮瑞啟登封通靈氣於天門燭榮光於日觀徧羣生而  
先望萬物資生卓五嶽以稱宗三公視秩地臨左海因名  
山而致升中澤媿上穹不崇朝而徧天下茲以朕入甸展  
慶萬國臚歡懋舉崇儀特申昭告高山是仰魯邦所詹吳  
巡狩至岱宗允矣親修望秩周職方曰充鎮於焉誠通書  
釐潔籩豆於司存薦馨香於神在庶其昭鑒式是居歆

乾隆五十五年三月

皇帝遣皇十一子成親王永理致祭於東嶽泰山之神曰惟  
神鍾靈震位擅勝坤輿冠五嶽以稱宗勢雄青兗配兩儀  
而立極象應奎婁德沛崇朝六合仰和甘之賜功昭溥海  
百昌資長養之能贊元氣於鴻鈞聲靈赫濯報宏施於喬  
嶽秩祀崇隆朕受籙延洪撫辰行慶春祺錫羨臚歡而典  
洽時巡壽域凝釐展義則禮先方望天門日觀瞻窳宇以  
告虔陰魯陽齊眷名區而受福仰高標之峻極知嘉貺之  
孔時特展隆儀用陳潔薦神其歆格鑒此明禋初四日  
聖駕東巡至泰安祇謁岱廟駐蹕白鶴泉  
行宮初五日登岱祀碧霞祠初七日

躬詣岱廟拈香是日宴羣臣各賞賚有差

嘉慶元年二月二十五日

皇帝遣青州副都統觀明致祭於東嶽泰山之神曰惟神功  
隆作鎮瑞啓登封通靈氣於天門燭榮光於日觀徧羣神  
而先望萬物資生卓五嶽以稱宗三公視秩地臨左海因  
名山而致升中澤媿上穹不崇朝而徧天下茲以乾隆遇  
甲嘉慶紀元懋舉崇儀特申昭告高山是仰魯邦所啓虞  
巡守至岱宗屢親望秩周職方曰究鎮載迓蕃釐潔德豆  
於司存薦馨香於神在庶其昭鑒式是居歆

歲四月十八日爲碧霞元君誕辰

皇帝遣內侍御歌臣一員進香於十七日齋宿岱頂十八日

黎明詣碧霞祠行禮歲以爲常乾隆四十五年四月

皇帝遣都統德保進香四十六年四月

皇帝遣御前侍衛都統德保進香四十七年四月

皇帝遣御前侍衛都統德保進香四十八年四月

皇帝遣御前侍衛都統德保進香四十九年四月

皇帝遣御前侍衛都統阿彌達進香五十年四月

皇帝遣御前侍衛都統阿彌達進香五十一年四月

皇帝遣御前侍衛都統阿彌達進香五十二年四月

皇帝遣工部侍郎都統阿彌達進香五十三年四月

皇帝遣工部侍郎都統阿彌達進香五十四年四月

皇帝遣工部侍郎都統阿彌達進香五十五年四月

皇帝遣

進香五十六年四月

皇帝遣御前侍衛都統布延達賚進香五十七年四月

皇帝遣御前侍衛都統布延達賚進香五十八年四月

皇帝遣御前侍衛都統布延達賚進香五十九年四月

皇帝遣御前侍衛都統布延達賚進香六十年四月

皇帝遣御前侍衛都統布延達賚進香嘉慶元年四月

皇帝遣御前侍衛都統布延達賚進香二年四月

皇帝遣御前侍衛都統布延達賚進香三年四月

皇帝遣御前侍衛都統布延達賚進香四年四月

附錄曹禾疏曰：此典禮國之大事帝王事天明也

察於是乎神祇降福人民悅豫慶流久遠古者有

有牛祀禮曰天子祭天地四方山川五祀歲時

祀也四時舉行之禮也書曰歲二月東巡狩至于岱

柴望秩于山川此特祀禮司馬遷所謂每世之

禪荅焉者也三五以來昭姓考瑞必以其成功告於上

帝臣考封禪書及班固應劭服虔諸儒所言泰山五嶽

之長神靈所聚因高崇天謂之封就廣增地謂之禪明

受天地之所命功成事遂有益於天地若高者加高厚

者加厚陰陽和萬物序刻石紀號高世比德於九皇甚

盛典也逮秦漢唐宋之主有事岱宗者皆勒兵十數萬

創立宮殿更起明堂辟雍勞民費財失對越之意後世

議者遂不敢申明其禮獨詳於一歲中祈年報賽之常

祀不知祀天一也而禮有大小帝王受命於天左右相  
之默成其功業故因名山升中與天相見報受命之無  
負因之燔柴肆祀以荅幽贊明欲其精神通於眞宰使  
神祇各率其職佑我皇極光我泰階天人之際感召甚  
微其爲典禮至尊至重洪惟我

太祖高皇帝誕膺圖籙

太宗文皇帝受寶握符

世祖章皇帝撫有區夏大命雖定而天下未寧人心未靖三  
伏於方鎮海寇跳梁東南此乃

上帝神靈眷顧篤佑

皇上畱遺艱難昭宣至德神功開大一統之業垂裕於

也伏見

皇上睿謀獨運動與天契決機制勝掃蕩都盡臺灣通寇  
威歸化納土稽顙窮海萬里廓清無外

皇上聖德高深期臻上理雖六合同風而孜孜不已政化翔  
洽流於無垠三光五行昭精布序年穀順成聲教四訖  
闔閭安生樂業其見太平而奉琛職貢梯山航海而來  
者不可勝數猗歟盛哉古帝有功德者莫過於黃帝黃  
帝上元甲子貞元運會考定星歷建天地神祇物類之  
官制作度數合符造化由是封巒勒成遂開宇宙文明  
之象漢武帝不得其時則以十一月甲子朔冬至應之  
而數千年之景運適協於今日功成治定之後則統天

之紀應地之時而立人之極端在今日矣臣愚竊謂  
皇上以精一執中為奉若豈樂於泥金刻石鋪張揚厲之文  
然而

上帝之命不可不報山川百神之助不可不答而運世之本  
開基之功德不可不紀誠宜稽古禮文潤色鴻業勿憚  
登陟之勞亟議告成之典考漢唐之儀注行之簡易順  
成大慶維新庶政為生民錫福為奕葉儲庥光昭

祖宗之洪烈休德時見瑞應游瑋聖澤洋溢與黃帝之時同其  
盛美矣臣於歲首卽懷此念惟位之罪既而惟之

受恩深重報稱無由而敷陳經史導揚德臣之職也奉參之

誠冒瀆

宸聽奉

旨九卿詹事科道會議具奏欽此又吏科掌印給事中王承  
祖疏曰臣仰見我

皇上乘泰運之始出維新之治屢頒

上諭戒飭臣工疏通仕路皆

軫念民生期登熙隆至意也誠德婉堯舜功邁漢唐矣方今  
四海昇平要荒向化正觀風問俗勸課農桑之時臣讀  
舜典所載歲二月東巡狩至于岱宗柴望秩于山川肆  
覲東后臣竊惟其意岱宗居五嶽之首東方為生氣之  
先二月乃東作之始燔柴祀天因所至而祭告之至其

協時月正日同律度量衡蓋皆爲民事也故載之於書  
令後世做其意而行之我

皇上念切民瘼求登殷阜必以農功爲先務請做虞帝之制  
巡幸東方察閭閻之利病問風俗之厚薄設祭方嶽以  
祈年豐又聞泰山出雲不崇朝而雨天下是

聖帝一禱卽澤沛萬方矣詩云以祈甘雨以介我稷黍以穀  
我士女此之謂也且東嶽密邇孔里臣見史冊所載漢  
高之魯以太牢祀孔子後世美其開一代之文治倘

御輦所屆觀其車服禮器亦古今鉅觀而

皇上右文至意載之史冊誠千古不易見之盛事臣讀史記  
封禪書內云上古封禪者七十二君皆荒唐無稽至秦

皇漢武傲而行之不過耀德張功後世鄙焉我

皇上德接精一之傳博稽羣書上法虞帝行燔柴之禮不襲  
封禪之事是

聖德神功光昭萬世矣奉

旨九卿詹事科道一併會議具奏欽此禮部會同九卿等議  
曰伏察封禪之說不著於經書傳言舜至岱宗燔柴以  
祀天原非封禪唐虞三代以前實無登封故事科臣王  
承祖疏稱封禪之禮後世鄙焉編修曹禾請封禪以告  
成功之處毋庸議又王承祖疏稱請做虞舜巡幸東方  
察閭閻之利病問風俗之厚薄設祭方嶽以祈年豐漢  
高之魯以太牢祀孔子後世美其開一代之文治恭惟

我

皇上博綜經學宏闡心傳重道崇文千古莫茲且

軫念民依省方問俗

鑾輿所至

訓飭官方特加蠲賑此皆勤民重農至意如

皇上巡問民俗經過泰山闕里應倣行虞舜燔柴漢高祖祀

孔子禮致祭等因奉

旨著候旨行應行典禮該部卽詳察具奏欽此

駐蹕宮亭敬識於左

白鶴泉

行宮

在泰山南麓依嶽爲屏天然圖畫百雉山城萬家烟火  
近接几席遙望石閣徂徠諸山皆蒲伏北向儼然辰星  
星拱矣乾隆三十五年撫臣富明安恭建

御題行殿扁額曰體元堂聯曰築館怡疏泉澄源課泊省方

近瞻嶽育物宣仁

合雲亭

白鶴泉北曲徑逶迤至紅門而山勢頓高關途而升實  
爲登岱之初級也撫臣構亭此間以邀

睿賞

御題額曰合雲亭

玉皇廟

座落

廻馬嶺南有玉皇廟傑閣聳峙乾隆十三年

御題曰壺天閣西有倚山亭前撫臣於閣東恭建

座落以供

宸眺凡登岱者至此馬不得上故曰廻馬嶺

朝陽洞

座落

三磴厓勢斗削至五松樹而面始平曠曲徑縈紆上為

朝陽洞迤西恭建

座落

御題其額曰勝覽方輿有詩摩崖

天街

雲巢行宮

移建白鶴泉

更衣亭

在碧霞祠東五花崖在其南舊為祠祭官齋宿地前撫

臣撤而新之恭設

御座以為

皇上更衣之所

天柱峯亭

在玉皇祠良隅去天尺五下臨無際俯瞰東北諸山橫

嶺側峯龍跳虎臥洵乎凌絕頂而小衆山矣撫臣建亭



其中繚以周垣以備

宸眺額曰浴日養雲

乾坤亭

天柱峯南下東折地勢平曠相傳為孔子小天下處古碑在焉

聖祖仁皇帝題普照乾坤四字前撫臣建亭恭懸

御書於上

太上皇帝繼題其下曰獨尊宇宙

日觀峯亭

觀日出處峯與天柱差肩若伯仲然

御筆畱題詩載

天章卷內撫臣勒石其上建亭覆之以昭恭敬在乾坤亭東

岱廟

座落

琳宇嵯峨高出林表老松古檜鬱然蒼然其中萬碑笏立九石星羅樞衣拾級如入清禁撫臣於青陽門內恭建

行殿爰闢西扉以通岱廟焉

碑亭

在峻極殿前東西對峙撫臣分亭勒石恭紀

御製詩章

環詠亭

在岱廟西偏中羅歷代游人題詠勒石四周亭壁幾滿  
撫臣因其舊址改建數楹以供

宸憩仍存亭名

漢柏園碑亭

炳靈宮內古柏六株黛色參天霜皮溜雨不數孔明廟  
前物也

御製漢柏詩以寵之竝為繪圖撫臣勒石以誌草木遭逢之

幸因建此亭

梳妝院

座落

在白鶴泉西南

靈應宮

座落

在社首山東

靈巖

行宮

在函雲洞北乾隆二十一年建中有愛山樓

御題額曰巡方攬秀北崖如屏幃有絕景亭迤西有觀花亭

崖之東陞甘露泉出焉靈巖第一名泉也

太上皇帝御書甘露泉三大字勒崖敬謹摹刻立碑建亭竝勒

御製詩以昭

盛典

御賜金玉寶器

雍正八年

御賜金九錠每錠重九錢銀九錠每錠重九兩

乾隆七年

御賜金九錠每錠重一兩銀九錠每錠重十兩

乾隆十三年

御賜碧霞祠歡門三架金九錠每錠重一兩銀九錠每錠重十兩

皇太后

皇后賜銀十錠共重八十三兩碎銀二錠又十二件共重十

兩零八分又敕印匣一個內恭貯

聖祖仁皇帝御書普照乾坤匾式銅硯一件銅筆二枝銅筆架

一件

乾隆二十二年

御賜錦袍一身鏡子一面鑲嵌銅邊緞袍五身

乾隆二十四年

御賜小黃袍一身真青綠古銅鏡一面小銅鉢一副金絲幡

一對共六條係金線織造幡杆竝座玻璃罇一件有蓋楠木

座磁香爐一座竝銅香筒香檯楠木座洋磁瓶一對楠

木座靈芝花一對楠木座磁供器五件磁花插一對磁

燭臺一對楠木座金龍點油燈一對大洋磁瓶一對小

洋磁瓶一對

乾隆二十五年

御賜金絲幡一對金線織造幡杆竝象幡座金鑲爐一個金花座

一個洋磁瓶一對楠木座金輪花牌一對

乾隆二十七年

御賜玉磬一件楠木架沉香獅子一對降香座女兒香盒十

個小洋磁瓶一對楠木座洋瓶一對上帶牙花葫蘆小

磁瓶一對楠木座

乾隆二十九年

御賜銀法瑯爐一個有銅香靠楠木座銀法瑯燭臺一對有

木燭一對楠木座銀法瑯瓶一對有花一對楠木座銅

鍍金滿達一個有座銅鍍金輪一對洋磁

銀馬一件七珍銀將軍一件銀象一件銀輪一件銀男一

件銀女一件銀三寶珠一件銀蓋一件八寶銀魚一件銀

罐一件銀花一件銀螺一件銀腸一件銀傘一件銀輪

一件

乾隆三十三年

御賜藍玻璃香爐一件內有銅鍍金膽藍玻璃燭臺一對藍

玻璃花瓶一對銅鍍金輪一件白玻璃蓋一對楠木高

座官釉錦帶瓶一對紫檀木座燒料穿珠幡一對黑漆

杆座

乾隆三十四年

御賜廣法瑯長方鼎爐一對紫檀木座亮白玻璃法蓋一對

楠木高座燒料穿珠旛一對  
挑杆座  
乾隆三十六年

皇太后賜鍍金滿達一個鍍金七珍八寶十五件鍍金輪一個

御賜磁鼎爐一件磁提梁卣一對文竹四方花瓶一對外有牙花

琉璃旛一對旛杆連座大玉圭一件長三尺五寸寬八寸名溫涼玉半煖半寒

乾隆三十七年

御賜銅鼎一對楠木座銅爐一個上有銅絲罩白磁瓶一對

楠木座琉璃旛一對漆挑杆座

乾隆三十八年

御賜玻璃海燈一件有耳雙耳磁瓶一對有座雙耳瑪瑙瓶

一件有座法瑯蹕爐一對燒料穿珠旛一對有杆座

乾隆三十九年

御賜九江磁輪一件洋磁蹕爐一對楠木匣九江描金磁瓶

一對有蓋楠木座燒料穿珠旛一對洋漆杆座

乾隆四十年

御賜燒料穿珠旛一對三羊座小香牌一對楠木杆座九江

藍磁瓶一對楠木座銅蹕爐一對

乾隆四十一年

御賜五彩磁供器一分隨銅靈芝花一對木雕龍蠟一對燒

料穿珠旛一對漆桃杆座緯絲香帶挂絡一對木挑杆座翡翠磁瓶二件隨木座磁輪一件

皇太后賜法瑯八寶吉祥一分蓋魚罐花輪螺傘腸八件

乾隆四十二年

御賜繡黃緞金龍淨十團袍三身藍田石大紅鞞帶三圍

乾隆四十三年

御賜燒料穿珠旛一對木葫蘆架座藍磁瓶一對銅度金輪

一件鶴鹿同春燈式香礮一對鳴鳳獻瑞四方小桃杆  
一對連座

乾隆四十四年

御賜磁輪一對磁挑杆一對藍玻璃淨水瓶一對楠木座

乾隆四十五年

御賜藍磁花澆雙件連座古銅爐一件有蓋連座廣法瑯爐

瓶三設連座

乾隆四十六年

御賜鍍金藏佛塔一座磁輪一對連座洋磁瓶一對連座燒

料穿珠旛一對漆挑杆座

乾隆四十七年

御賜五彩磁確一對連座五彩磁爐瓶三設一分連座磁鍍

金輪一對連座燒料穿珠旛一對漆挑杆座

乾隆四十八年

御賜緯絲香帶挂絡一對連杆座藍磁輪一件廣法瑯蹕爐

一對燒料穿珠旛一對漆杆座

乾隆四十九年

御賜楠木銅鑲紫檀輪一件法瑯香匣一對穿琉璃珠扁旛  
一對連杆座香襪一對綠紗扇一把

乾隆四十九年

御賜竹如意一隻玳瑁邊藤掌扇一對鶴鹿同春挑杆一對  
乾隆五十年

御賜海燈一件五彩磁瓶一對連座挑杆緯絲香牌一對瓊  
璃旛一對黑漆杆一對象旛座一對

乾隆五十一年

御賜銅鍍金輪一個淨水盞二個香挑杆一對琉璃珠旛一  
對黑漆杆座

乾隆五十二年

御賜琉璃穿珠旛一對連杆座緯絲香帶挑杆一對藍花黃  
地葫蘆磁瓶一對有蓋連座藍花銅鍍金輪一件

乾隆五十三年

御賜穿琉璃珠大挑旛一對漢文鳳頭赤虎旛杆一對挑燈  
一對文竹淨瓶一對內裏各注吉磬如意二件銅法瑯  
把燈一件

乾隆五十四年

御賜穿琉璃珠大挑旛一對紫檀鳳頭旛杆一對紫檀雙獅  
抱瓶座小桌挑燈一對小銅提爐一對文竹香筒一個  
乾隆五十五年

御賜銅掐絲法瑯海燈一件青花白地磬鈴靶盃一對隨銅

一罩法瑯花穿琉璃珠扁幡一對隨挑杆座小香襪一對  
乾隆五十六年

御賜龍柱香筒一對法瑯爐一件隨木座挑杆小香圓燈一對穿珠幡一對隨杆座

乾隆五十七年

御賜五彩磁輪一對紅木座磁靶盅一對銅罩法瑯花小挑杆燈籠一對穿琉璃珠幡一對隨杆座

乾隆五十八年

御賜磁奔靶瓶一個廣法瑯香筒一對有蓋連座香挑杆一對連杆座穿琉璃珠扁幡一對黑漆杆座

乾隆五十九年

御賜穿珠幡一對連杆座小挑燈一對鍍金八吉祥一對磁瓶一件隨衣子

乾隆六十年

御賜穿珠幡一對隨杆座奔靶磁壺一對磁輪一件小香挑杆一對

嘉慶元年

御賜銅鍍金輪一件磁靶盅一對穿珠小挑杆一對穿珠幡一對連杆座

嘉慶二年

御賜銅輪一件磁靶盅一對香挑杆一對連杆座穿珠幡一對楠木杆座



嘉慶三年

御賜穿珠幡一對隨杆座磁輪一件隨木座磁靶盃一對香挑杆一對

乾隆五年六月二十四日山頂碧霞祠災從煨燼拾出十八件列後

碎金四小件共重一錢三分 銀娃八個內有鍍金娃

三個共重二十九兩七錢 銀一錠重三十九兩三錢

銀一錠重三十八兩二錢 碎銀十六錠又五件共

重二十兩四錢五分 銀一錠重三兩三錢 藏佛一

尊 銀牌一個 銀燈一件 鍍金銀燭一對重二兩

六錢八分 銀墜一隻 銀錢二個 銀環一副 殘

缺銀釵銀鳳銀花不全貼金銀花共重十七兩三錢

燒燬碎玉帶一包 燒燬碎玉帶版十四塊 燒燬碎

玉帶版二十四塊 破損石印一顆篆刻天仙照壁四

字

泰山志卷第四

朝議大夫山東泰安府知府休寧金棨纂輯

圖考

岱嶽全圖

岱廟五嶽真形圖

岱頂五嶽真形圖

岱陽圖

岱頂圖

岱陽之東圖

岱陽之西圖

岱陰圖

岱陰之東圖

岱陰之西圖

岱廟圖

漢柏圖

唐槐圖

飛來柏圖

扶桑石圖

白鶴泉圖

石經峪圖

壺天閣圖

白雲洞圖

桃花峪圖

社首高里二山圖

徂徠前面總圖

竹溪佳境圖

礪石峪圖

三嶺崗圖

新甫山圖


靈巖山圖

琨瑞山圖

岱嶽泉源圖

岱嶽全圖

泰山志卷四



泰山志卷四

圖考

二二

朱孝純泰山贊有序

蓋泰山者上應角亢之精下據青兗之封綜萬物而交  
 代冠五嶽以獨宗繫一元之肇始兼二氣而成終其體  
 磅礪其勢穹隆根崑崙以迤北跨渤海而遂東象葱龍  
 其在木形天矯以猶龍乃謂震男厥神青帝性本乾剛  
 心則仁粹闢羣萌以必先舍衆生之所際迎日月之鮮  
 華蘊風雷而蔚萃晴則廣宇被其光輝雨則寰區資其  
 湛濺粵古帝王克嬾天地對時茂以崢嶸布春溫而藹  
 粹指青郊而肆巡駕蒼龍以言邁景明堂之威儀欽羣  
 后之施噦遠播德音高標道誼民盡熙和物無疵癘益  
 君王之遐齡宏國家之普利皆山之靈神之惠也恭惟  
 秩祀式敦

方訖於南國憑軾首於東藩倡萬邦以履始視四嶽而居  
 尊傲虞周而徽典辭封禪之識文咨閭閻之疾苦率官  
 吏以清勤占雲物於日觀灑翰墨於天門斯皇古所希  
 觀豈晚近之足論孝純世忝簪纓情怡山水昔叨西蜀  
 之分符今守東魯之舊趾懼

之難膺忻名山其在邇仰岱峯之千尋鄰嶽麓者數里排  
 天闕其如屏撫郡城而若几是故入廟則儼其崇隆登  
 山則覘其焜燁幸年歲之屢豐錫民人以繁祉既積厚  
 以承高爰揚靈而誌美乃作贊曰

於赫東嶽欽崿岵岵出震宣揚先天所作青帝宅宮表海  
 於東興雲施雨其澤鴻濛自昔天子或封或祀玉帛斯陳  
 降以嘉祉惟我

聖朝河廣嶽喬莫不懷柔百神孔昭矧近

畿輔春巡是舉五嶽夙臨萬物載觀洪衍


龍文爛然星陳雕金鏤石郁郁紛紛奉守東郡瞻言肆覲夙  
 夜靖共祇

天子命實惟嶽神曰聖曰仁承天百福佑我民人貽我甘雨茂

我稷黍屢有豐年寧我邦宇高山無傾民衆無爭鄒魯文  
 學有駿其聲使臣稽首戴高履厚願比嵩呼

天子萬壽

岱廟五嶽真形圖 今石刻在泰安縣署土地祠東壁 張宜慰泰山記碑後 此摹岱史



彼屬 尊管 ?

岱大山 泰山

太初 河代皇帝年 ?

馮翊 渠名 今陝西 ?

虛供居地 將五岳圖 擬心供養 亦所居之地

上元夫人 十仙名

巾器 即拭面布


三天 道家云三十三天

太上 即老子 道教祖

古符篆 道家符籙 即驅鬼 之文 篆古字名

右圖按道經云五嶽之神分掌世界人物各有依屬  
 太山乃天帝之孫羣靈之府主世界人民官職生死貴  
 賤等事又抱朴子云凡修道之士棲隱山谷須得五嶽  
 真形圖佩之則鬼魅蟲虎一切妖毒皆莫能近又云太  
 初中李充稱馮翊人三百歲常負此圖人或佩之渡江  
 海入山谷或夜行宿凶房邪魔魑魅魍魎悉皆隱遁虔  
 供居地必獲禎祥又萬花谷記西王母與上元夫人降  
 漢武帝帝視其巾器中有小書乞瞻覽母曰此五嶽真  
 形圖也乃三天太上所出豈汝所宜佩乎帝乞不已與  
 之藏柏梁臺余按諸說雖不可知然此圖類古符篆必  
 有所自而五嶽之神亦不可誣也存之以資博識云 岱史


岱頂五嶽真形圖



右圖乃明萬曆甲寅刻石今在岱頂青帝宮廊簷東偏  
 圖像與岱史小異按岱史作於萬歷丁亥在此碑之前  
 二十八年所繪真形圖傳世已久自不可廢而此碑摹  
 勒必非無據宜並存以資互證謹依石刻摹繪縮本附  
 岱史真形圖後其圖說石刻與岱史全同不復出云  
 施閏章歌五嶽足跡誰能徧五嶽真形誰所見岱宗山下  
 嶽祠東鑄瑤刻玉窮鬼工紫泥搗就珊瑚色高堂日射扶  
 桑紅璇宮銀闕森髣髴羣仙玉女紛相從禹鼎沈淪多不  
 若山林佩此百神却丹竈思尋勾漏砂靈巖定採天臺藥  
 陟嶽尋仙思漢武茂陵寂寥一抔土倘許吾曹有仙骨君  
 現真形與君語









岱頂圖




岱陽之東圖





岱陰圖




岱陰之東圖

泰山志卷四




泰山志卷四 圖考

十一




岱陰之西圖






岱廟圖




漢柏圖 按漢柏六株在岱廟東炳靈殿前














唐槐圖 在岱廟西延禧殿前



飛來柏圖



泰山志卷四

扶桑石圖 在岱廟峻極殿臺下




泰山志卷四

圖考


三

白鶴泉圖



卷之三十四 圖考

二十七



高山流水亭




石經峪



黃岷嶺



御書

御座




倚山亭






社首高里山圖



鐵將軍樓

晉石碣

社首




高里山

曹仙洞

殿羅森

徂徠前面總圖



三嶺園

圖考




治浪水

竹溪佳境



卷四



卷四 圖考

三

礫石峪圖



石礫

爐丹煉

貴人峯




昇仙臺

泰山志卷四 圖考

二九


三嶺崗圖




三嶺崗



新甫山圖



雲衛岫





靈巖山圖考

三





靈巖山圖

靈巖山圖


三







泰山志卷第四



25079

